

Lembaran Kerja

Bahasa Melayu Tahun 4

Tema 3: Keselamatan

Bahagian A

Pilih jawapan yang betul.

1. Encik Azlan _____ terima kasih kerana dibantu oleh budak lelaki itu.
A) merasakan
B) memberikan
C) mengucapkan
D) mengamalkan

2. Pukul _____ kamu akan sampai ke rumah Mei Sin?
A) apa
B) berapa
C) apakah
D) berapakah



3. Kakak gemar memakai _____ yang berwarna merah.
A) bibir mulut
B) gincu bibir
C) batang bibir
D) pandu bibir

4. Adriana _____ apabila mengetahui abangnya telah masuk ke hospital.

- A) bagai semut di atas cerek panas
- B) seperti ikan pulang ke lubuk
- C) bagai kambing dihalau ke air
- D) seperti helang menyongsong angin

5. Encik Lim yang _____ itu boleh mengangkat barang yang beratnya 20kg.

- A) gagah seperti ribut
- B) gagah macam gergasi
- C) gagah macam merpati
- D) gagah macam bandul



6. Rafiq memandu kereta dengan perlahan sambil _____ mesra.

- A) meratah
- B) melambang
- C) melambai
- D) mengopak

7. Cikgu Sham memaklumkan _____ aktiviti latihan bomba akan diadakan pada hari Ahad.

- A) kerana
- B) lalu
- C) ini
- D) bahawa

8. Encik Husin amat kagum kerana melihat penduduk Taman Impian **berganding bahu** mengusahakan kebun itu.

berganding bahu bermaksud _____.

- A) hasil usaha sendiri
- B) bekerjasama
- C) bekerja kuat dan bersungguh-sungguh
- D) bekerja dengan bermandi peluh

9. Vincent _____ apabila pertama kali tiba di Australia

- A) seperti kera mendapat bunga
- B) seperti lembu dicucuk hidung
- C) seperti kera kena belacan
- D) seperti rusa masuk ke kampung

10. Mulut bomoh itu _____ sewaktu membaca jampi.

- A) keluh – kesah
- B) terumbang – ambing
- C) kumat – kamit
- D) senget – menget

Bahagian B

Jawab semua soalan berikut.

Liow Mei San
No, 5 Jalan Mutiara,
Taman Mutiara Emas,
28000 Bentong,
Pahang

30 Mei 2023

Menemui sahabatku, Maria yang berada di Kuala Lumpur. Diharap saudari sihat di samping keluarga tersayang. Saya dan keluarga sihat sejahtera.

Saudari,

Tujuan saya menulis surat ini adalah untuk memberitahu tentang Program COMBI yang telah saya sertai baru – baru ini. COMBI ini adalah singkatan bagi “Communication for Behavioral Impact”.

Program ini adalah untuk menyedarkan dan mengubah sikap masyarakat terhadap keselamatan di kawasan tempat tinggal. Pada minggu yang lalu, rukun tetangga kawasan saya telah menampal poster untuk memberitahu para penduduk tentang program yang akan diadakan.

Antara program yang diadakan ialah memasang lampu di kawasan taman yang gelap gelita serta menampal maklumat dan nombor telefon balai polis di sekitar taman untuk mengelakkan perkara yang tidak diingini berlaku.

Sekian dahulu surat saya pada kali ini. Semoga berjumpa lagi pada masa yang akan datang. Sekian, terima kasih.

Sahabatmu,
Mei San

1. Apakah tujuan program COMBI yang disertai oleh Mei San? (2 markah)

2. Apakah aktiviti yang dijalankan bagi program ini? (4 markah)

(i)

(ii)

3. Pada pendapat kamu, mengapakah penduduk taman hendak menampal maklumat dan nombor balai polis di sekitar taman? (4 markah)

Bahagian C

Anda diminta menghasilkan sebuah video klip mengikut kreativiti anda untuk menerangkan cara-cara menunggang basikal dengan selamat. Sila hantar video klip tersebut sebagai bukti sokongan. (10 markah)

Skema Jawapan

Lembaran Kerja

Bahasa Melayu Tahun 4

Tema 3: Keselamatan

Bahagian A

1. C
2. D
3. B
4. A
5. B
6. C
7. D
8. B
9. D
10. C

Bahagian B

1. Tujuan program ini adalah untuk menyedarkan dan mengubah sikap masyarakat terhadap keselamatan di kawasan tempat tinggal.
2. memasang lampu di kawasan taman, menampalkan maklumat dan nombor telefon balai polis di sekitar taman.
3. Pada pendapat saya, menampalkan maklumat dan nombor telefon balai polis di sekitar taman dapat membantu kita ketika menghadapi masalah keselamatan di kawasan taman.